



Publicaziuns dalla vischnaunca, jamna 06

Damondas da baghegiar

2023-1011.000

Datum dalla publicaziun: 10 da fevrer 2023

Il patrun: Ivan & Giuanna Desax-Wetzel, Via Alpettas 22, 7180 Disentis/Mustér
Il representant: Rico de Castelberg-Bühler, Via Alpsu 2, 7180 Disentis/Mustér
Intenziun: Sanaziun energetica dalla casa existenta, construcziun d'in baghetg annex, engrondaziun dalla surfatscha da habitar entras in niev baghetg da habitar cun garascha sutterrana, remplazzament dil scaldament entras sondas geotermicas
Edifeci nr. 717
Parcella: 1728
Adressa: Via Alpettas 22, 7180 Disentis/Mustér
Zona: Zona da habitar 2 (H2)
Zona da prighel: Negina

2023-1012.000

Datum dalla publicaziun: 10 da fevrer 2023

Il patrun: Sabrina & Martin Weber, Friedhofstrasse 64, 8330 Pfäffikon ZH
Il representant: Martin Weber, Friedhofstrasse 64, 8330 Pfäffikon ZH
Intenziun: Sanaziun interna dalla casa da habitar, midada da diever en ina habitaziun, remplazzament dil scaldament en scaldament lontan, nova formaziun dils parcadis ed entradas
Edifeci nr. 68
Parcella: 698
Adressa: Via Alpsu 20, 7180 Disentis/Mustér
Zona: Zona da habitar mischedada 3 (HM3)
Zona da prighel: Negina

2023-1013.000

Datum dalla publicaziun: 10 da fevrer 2023

Il patrun: Marcel & Doris Manetsch-Tobler, Via Scantschala 11, 7183 Mumpé Medel
Il representant: Jakob Schmid, Rossbodenstrasse 41, 7015 Tamins
Intenziun: Construcziun d'ina cuvrida sur la scala ed ina entulada d'in niev cundrez fotovoltaic
Edifeci nr. 726C
Parcella: 1086
Adressa: Via Scantschala 11, 7183 Mumpé Medel
Zona: Zona da habitar 2 (H2)
Zona da prighel: Negina
Plan da quartier: Plan da quartier Scantschalias

2023-1014.000

Datum dalla publicaziun: 10 da fevrer 2023

Il patrun: Hubertus Deflorin-Van Eetvelde, Via Lucmagn 10, 7180 Disentis/Mustér
Il representant: Hubertus Deflorin-Van Eetvelde, Via Lucmagn 10, 7180 Disentis/Mustér
Intenziun: Sanaziun interna d'ina habitaziun e d engrondaziun dil balcon
Edifeci nr. 88
Parcella: 781
Adressa: Via Lucmagn 10, 7180 Disentis/Mustér
Zona: Zona da habitar mischedada 3 (HM3)
Zona da prighel: Negina
Plan general Areal pil diever commercial da formaziun: dil plaunterren



2023-1015.000

Datum dalla publicaziun: 10 da fevrer 2023

Il patrun: Paul Gienal-Sac, Via Run 12, 7180 Disentis/Mustér
Il representant: Paul Gienal-Sac, Via Run 12, 7180 Disentis/Mustér
Intenziun: Engrondaziun dalla surfatscha da habitar el plaun sut il tetg e construcziun nova d'ina lucarna
Edifeci nr. 219D
Parcella: 570
Adressa: Via Run 12, 7180 Disentis/Mustér
Zona: Zona da habitar 3 (H3)
Zona da prighel: Negina
Plan da quartier: Plan da quartier Latis

2023-1016.000

Datum dalla publicaziun: 10 da fevrer 2023

Il patrun: Andreas e Silvana Flury, Via Dulezi 17, 7180 Disentis/Mustér
Il representant: huonder bisquolm architects sa, Via da Scola 18, 7180 Disentis/Mustér
Intenziun: Construcziun nova d'ina casa d'ina famiglia e d'ina garascha
Parcella: 2235
Adressa: Via Vallars 14, 7186 Segnas
Zona: Zona da habitar engrondida (VE)
Zona da prighel: Negina
Plan da quartier: Plan da quartier Buretsch

2023-1018.000

Datum dalla publicaziun: 10 da fevrer 2023

Il patrun: Recal AG, Via dalla Stampa 8, 7180 Disentis/Mustér
Il representant: ipz ingenieure + planer ag, Via Lucmagn 7, 7180 Disentis/Mustér
Intenziun: Niev implont da scaldar a distanza
Parcella: 3991 (1594 parcellau giu)
Adressa: Via Prau, 7180 Disentis/Mustér
Zona: Zona da mistregn (Mi)
Zona da prighel: Negina

2023-1019.000

Datum dalla publicaziun: 10 da fevrer 2023

Il patrun: Florentin Tenner-Gysin, Via Prau 2, 7180 Disentis/Mustér
Il representant: ipz ingenieure + planer ag, Via Lucmagn 7, 7180 Disentis/Mustér
Intenziun: Niev baghetg da metter giu lenna e niev suttetg
Parcella: 1594
Adressa: Via Prau, 7180 Disentis/Mustér
Zona: Zona da mistregn (Mi)
Zona da prighel: Negina

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 10 da fevrer 2023

Uffeci da baghegiar Disentis/Mustér



Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2022-1071.000

Robert Castelberg, Buelstrasse 22, 5246 Lengnau; midada d'intent dretg funsil puril, tegia per diever da vacanzas e clavau per diever da magasinar e deposit da lenna, parcella 3561, Via Runca 26, 7180 Disentis/Mustér.

Disentis/Mustér, ils 10 da fevrer 2023

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau ils suandonts projects:

Nr. 2023-2004.000

Maria e Rolf Eisenegger, Cadonastrasse 93, 7000 Cuera; spazzar il caset da curtin, nova seiv entuorn igl iert, parcella 2189, Via Crestas 16, 7183 Mumpé Medel.

Nr. 2023-2005.000

Placi Manetsch, Via Crestas 13, 7183 Mumpé Medel; completaziun dalla surfatscha fotovoltaica sin tetg, parcella 2183, Via Crestas 13, 7183 Mumpé Medel.

Nr. 2023-2006.000

Madlen ed Ignaz Deflorin-Spescha, Via Davos-Mustér 5, 7180 Disentis/Mustér; remplazzament dallas finiastras, parcella 854, Via Davos-Mustér 5, 7180 Disentis/Mustér

Disentis/Mustér, ils 10 da fevrer 2023

Uffeci da baghegiar Disentis/Mustér



Taglia da tgauns 2023

Tenor artechel 7 dalla lescha communal da taglia ei mintga persuna che tegn in tgaun sil territori dalla vischnaunca da Mustér obligada da pagar ina taglia da tgauns. Ulteriur da quei sto il tgaun esser marcaus cun in microchip.

Ils possessurs da tgauns retscheivan directamein in quen per la taglia da tgauns. Quella munta pigl'emprems tgaun frs. 120.00 e per mintga ulteriur tgaun ella medema casada frs. 180.00 per onn. Tgauns da polizia, tgauns da schurmetg, tgauns da lavinassco era tgauns per tschocs e suords ein deliberai dalla taxa.

Adatg!

Possessurs ch'acquistan da niev in tgaun ein vinavon obligai da vegnir enteifer 30 dis persunalmein al spurtegl dall'administraziun communal per cumprovar la registraziun dil microchip. Il conto sin la platfaorma da datas Amicus vegn endrizzaus entras l'administraziun communal. Mintga possessur d'in tgaun ei obligaus da registrar acquists, surdadas, mortoris ed exports egl'exteriur d'in tgaun.

Administraziun communal

Controlla da habitonts

Mortori

Gisela Bigliel, naschida ils 20 da fenadur 1966, morta ils 4 da fevver 2023

Naschientschas

Mauro ed Enea Flepp, naschi ils 3 da fevver 2023, fegls da Tamara Levy e Livio Flepp

Entrada anticipada en scoletta

Mintgamai igl uost entran ils affons che han cumplenu il 5avel onn da vegliadetgna tochen ils 31 da december dil medem onn calendar ella scoletta. Tenor la lescha da scola dat ei la pusseivladad d'entrar en scoletta anticipau, quei munta in onn avon. In'entrada anticipada ella scoletta da Mustér per affons da quater onns ei cumbinada cun claras cundiziuns. Igl affon sto correspunder en siu entir stadi da svilup alla gruppa d'affons pli veglia ed el sa ir entuorn cun las pretensiuns dalla scoletta senza sustegn special. Davart l'admissiun anticipada decidan duas jamnas da fuffergnadi en scoletta. Dapli informaziuns survegnan geniturs interessai tiel meinascola Roger Tuor (081 936 44 25, meinascola@scoladisentis.ch).

Annunzias san vegnir inoltradas tochen ils **10 da mars 2023**. Annunzias suenter quei termin san buca pli vegnir risguardadas.

Cordials salids

Nossa scola populara Mustér

Apparat d'udida

Gliendisdis, ils 20 da fevver 2023 saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el PUNTREIS, Center da sanadad a Mustér

Dunna Giger dalla firma Amplifon AG e signur Gfeller dalla firma Jäggi Optik & Hörberatung AG sorprendan comunablamein quei survetsch gratuit per tuts interessents.

Ei drova negina annunzia.



Oz en biblioteca!

Kino da cudischs da maletgs cun Mats, la miur

Has ti plascher da vegnir en biblioteca e tedlar marvegliusas historias ord cudischs da maletgs? Mintga secund venderdis dil meins allas 14.30 legin nus avon e mussein vid ina gronda preit ils maletgs ord in cudisch da maletgs. L'occurrenza cuoza ca. in'ura ed ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna.

Nus selegrein zun fetg sin tei!

Cun ils pli cars salids

Mats, la miur ed il team dalla Biblioteca populara Disentis/Mustér e contuorn

Corporaziun d'alp Russein Mustér

Radunonza generala dil possessurs da dretgs venderdis, ils 24 da fevrer allas 20.15 el Center sursilvan d'agricultura a Salaplauna.

Supplementar allas tractandas statuaricas:

Project sanaziun infrastruttura en connex cun il schurmetg dallas auas. Presentaziun, damonda da credit ed elecziun cumissiun da baghegiar.

A stedia partizipaziun envida

la suprastonza

Invitaziun Seniors-Ca

Gievgia, ils 16 da fevrer 2023 gievgia grassa en salla dil hotel Alpsu cun sorpresa. Allas 12.15 gentar cun 1 menu dil di ed 1 caffè per prezi favoreivel. Naven dallas 13.45 star da cumpignia da gievgia grassa. Annunzia tochen **mardis, ils 14 da fevrer 2023** allas 12.00 a Puntreis sut 081 929 56 56.

Preavis

Gievgia, ils 2 ni ils 9 da mars 2023 - dar troccas/jass ni?

Gievgia, ils 23 da mars 2023 en Puntreis - tema: sentupada cun Arnold Spescha (poesias/historia).

Cordial beinvegni

Team Seniors-Ca



Uniun da dunnas Disentis/Mustér

Sentupada cun affons pigns e geniturs

La grupp da seruschnar/termagliar dat la caschun als affons pigns ed als geniturs da sentupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessan plinavon era far queidas als affons da visitar pli tard la grupp da termagliar «artgin» che ha liug el medem local e nua ch'ils affons stattan persuls duas uras cun las menadras e quei inaga ad jamna. Pils affons eis ei sco d'entrar ella tiara dalla cucagna cun massa novs termagls e tut quei da cumpignia. Vegni e mirei, nus selegrein sin vossa viseta.

Proxima sentupada: **mardis, ils 21-2-2023**
Temps: 15.00–16.30
Liug: Casa da scola Segnas, local artgin, ella 1 alzada
Prender cun: marena e scalfins

Ulteriuras informaziuns e datums anfleis Vus sut www.uddm.ch

Cordialmein envida

Uniun da dunnas, ressort affons

Scursalada pils affons pigns cun viseta dil snowli

La grupp dil ressort affons envida tut ils affons entochen quater onns ensemen cun lur mummas ni era babs e fargliuns ad ina scursalada communabla sil Sax. Silsuenther vegn ei offeriu in pign sitg. Prendi vossa scarsola ni vies bob sut bratsch e cun empau cletg survegn era vies affon regalau ina pintga sorpresa dil snowli.

Datum: **Gievgia, ils 23 da fevrer 2023**
Sentupada: allas 14.00 sil Sax tier il Tipi
Cuosts: L'occurrenza cuosta
Annunzia: P. pl. s'annunziar entochen ils 20.02.2023 tier Sarah Huonder, 079 265 42 92
Sonja Muscas, 079 681 58 66
